

مشاورت

مطبعة و محل اداره :

جفال اوغلنده امنيت
سندوفى جوارنده
شنگول يقوشنده
۲۲ نومرو

سلکمزموافق آثار
جدیده مع الممنونیه
قبول اولنور

درج ایدلهین آثار اعاده اولنور

دیر ، فلسفه ، علوم ، حقوق ، ادبیات تاریخ ، سیاسیات و بالخاصه احوال و مشوره اسلامیه بحث ایدر و هفته ده بر نشر اولنور .

صاحب و مؤسسلری :

آبونه بدلی

در سعادتده نسخہ سی ۵۰ یاره در

ابوالعلا زین العابدین - ح . اشرف ادیب
تاریخ تأسیسی

قیرلهدن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
۶۵	۳۵	۳۵
۶۰	۳۰	۳۰
۱۷	۹	۹

عدد : ۱۶۴

۱۹ شوال ۱۳۲۹ پنجشنبه ۲۹ ایلول ۱۳۲۷

یدنجی جلد

آئینقا مسلمانلارینه

حی علی الفلاح

بشریت ذلتلر ، مدنیت وحشتلر ، عهد و پیمان اهانتلر ، کائنات قیامتلر دوغوریور !

صلیئک زمین خشونتندن هلالک آسمان عصمت واجلالنه تخیلوز ، استیلاء غرض وفلاکت ، قتل بلوطاری یوکسلییور !

ای مصرک بولولمهز بازولری ، ای حزب الوطنک طورماز ، یورولماز اویوماز ، مرد و متین زنده ، قهرمان مبارز کنجلیری !
فاس ظلم واشکنجه کونلرینک ، ایران غفلت و مسکنیت کیجهلرینک ماتم دقیقه لرینی صایارکن ! طرابلسده دخی خلافت اسلامیئک حقوق شانی ناموسی ، شوکت وجلادتی ایچین بر لوحه انقراض ، بر مرثیه اوقونمق ایسته نیلیور ! ای اندلس دولت ، امویه سنک قهرمان احفادی قرنازه لیلرک ابدیته قدار دین وطن ملت عصر لرینی یشاتمق ایستیان قهرمان احفادی ! طرابلس افقنک آشین وادی ایت ال ملک ، بو کتله متوحشه نك وبو ، انسانیتدن ، فضائل انسانیه دن ، حقوق فاضله مدینه دن محروم ایتالیا نلرک قائل نچه لری ایله اولدورولمک ، ازیلمک کومولک ایسته نیور . اولر روحانیت موحدۀ اسلامیئدن استمداد ایدیور ،

ای کائنات محیطه اسلامیئ نه طور ییورسیکز ، نه بکلیورسیکز ؟ تاریخ بشراجداد کزک ، بیک سنه لک مغفر لرینی ، قلنج لرینی ، قارغیلرینی باغیره رق هیئت جلیله اسلامیئک اچیلار جهاد سنجانی الله چاغرییور روحانیت پیغمبری هلال اسلامیت التده بلالی بر صدا ، اذان اتحاد ، اذان جهاد ، اذان غزا وشهادت اوقیور ! نه طور ییورسیکز . . . نه طور ییوروز ! دنیالری ضبط ایدن ، اوروپالری ، آفریقالری صولت وشهامت لرله چکنه یین ، اسلامیئک عظمتی ، عثمانلیلرک قدرت و شوکت لرینی آلتون قالمارله تاریخ مدنیته قید ایتدیرن صلاح الدین لریمی ، ارطغرل لریمی ، فاتح لریمی بکلیورسیکز ؟ ایلری آرش ایلری !
سلانیک - سلاح

آیاصوفیه جامعشریقنده اجتماع اسلام

آیدین وبعوث محترمی عیدام افندی طرفندن چهارشنبه کون آیاصوفیه جامع شریقنده مسائل حاضره حقنده بر موعظه ویرلرک ایتالیا نلرک تجاوزات شقاوتکارانه لری حسیله انکلتزه قرالمی حضر تریله بعض جمعیات علمیئک حسابات انسانیه وعدالتکارانه سنه تلغرافله مراجعت قیلنمشدر . تلغرافلر بروجه آتیدر :

- ۱ عموم ملتلرک اعیان ومبعوثان ریاستلرینه
- ۲ انکلتزه انسال بشر جمعیت عمومیه سنه
- ۳ انکلتزه اسیا وجغرافیا جمعیات قرالیئنه
- ۴ کافه عمالکده وبالخاصه اسویجرده صالح جمعیتلرینه

حلبه قدار تکرار قره دن ، حلبدن حمایه قدر ینه قارادن ، حمدن شامه شیمندوفرله واروب شامدن حجاز شیمندوفرله کیتمکدن عبارتدر .

شیمدی بویوللرک صاربلغندن ومشکلاتندن صرف نظرله انشای راهده صویغون ویرمک کبی مهالکده وارد خاطر اولا بیایریمی اولامازمی ، پک کسدرمه یز .

یالکنز آچیندیغمز بزمه برابر بوتون مسلمانلره داغ درون اولمسی لازمکنر بر جهت وارکه اوده : فریضه حجی ادا ایتمک خصوصنده دوشمانلریمزک بزه انکل اولدقلری فاجعه سیدر . دکنز قوتمزک یوقانی ، هیجلیکی ایشته بو فجیه لرک اک الیم بر سببنی تشکیل ایدیور .

دوشمانلر کلسلر ، کعبه یی طوبه طوئسلر ، پیغمبریمزک قبرینی بیقسلر ، ینه امدادینه قوشه میه جغز ، دین یولده اولمک ایسته سه کده موفق اولامیه جغز دیمک جیغسار ! بالعکس ، دکنز قوتمز اوله جق اولورسه او زمان هیچ بر دوشمان کعبه مزه ، پیغمبریمزک قبرینه ملوث اللرینی اوزانه مایاجق ، اورالرک محیط قدسیسنی زهر آلود نفسلرله کیرلته میه جکدر .

بو ، کونش کبی انکار قبول ایتمز آچیق بر حقیقتدر . اوله ایسه ، بزم الهمزه ایمانمز ، دینمزک علویته اعتقادمز وارسه اسلامیئ یوق ایده جک قدر شدت کوسترن او تهلککبی رفعه چالیشمق دین مبینی صیانت اوغورنده بذل مال وجان ایتمک اقدام فرائضدر ، نزد الوهیتده حجدن بویوک فضیلتلری حازدر .

اسکیشره : حقیقت

اسکیشرده منتشره حقیقت - اناطولی مسلمی غزتمندره :

واقما ظاهرده بر عثمانلی - ایتالیا محاربه سی کوزوکیور ، لکن بو نقاب آلمنده ، داهای دوغروسی حربک تولید ایده جکی نتیجه ده کیزانن آمالی عثمانلیلرله عموم مسلمانلرک حس ایده میه جکلرینی ظن ایتمک پک بویوک دوشونجه سنزک اولور .

بز عثمانلیلر ایتالیا نلرله چارپیشمقن هیچ بر وقت چکینه یز ، وطنمزه تجاوز ایدن آلچاقلری با اولدیرمک ، ویا اولرله حرب ایدرکدن ثولک بزم ایچون شرفار . لکن وطنمزک هیئت مجموعه سنه ، دینمزه تجاوز ایدر یولای حکتله ، باشده حر انکلیزلر ، متفکر فرانسلر اولدقلری حالده ، اوروپا تصویبکارانه بر طرزده کوز یوماجق اولورسه ایشته او زمان قیامت قوپاجق عثمانلیلرله برلکده کتله موحدۀ اسلام برین حرکت کله جکدر .

بو عزم ، ظن اولوندیغندن پک زیاده قطعیدر ، انسانیتی قائلره بوغه جق اولان شو قیامدن بزی آلیقویه جق چاره ایسه یالکنز دینمزه وطنمزه حرمت ایدلسیدر . یوقیه طویدن ، ثولومدن قورقاجق بر عثمانلی ، بر مسلمان تصور اولمه یز .